



ISLAMSKA ZAJEDNICA U BOSNI I HERCEGOVINI
JU MEDRESA "OSMAN-EF. REDŽOVIĆ"
U VELIKOM ČAJNU, VISOKO

Broj: 769/2026.

Datum: 10.08.2026. god.

Na osnovu člana 64. Stav (1) tačka b) i člana 70. Stav (1), (2), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24) i Zapisnika o pregledu i ocjeni ponuda, broj: 765/2026 od 07.08.2026. godine u otvorenom postupku javne nabavke radova za Izradu gasnih instalacija i konverziju toplovodne kotlovnice u đaćkom domu JU Medresa „Osman-ef. Redžović“, broj obavještenja sa portala Javnih nabavki 13894-1-3-1-3-3/26 od 02.07.2026. godine, direktor JU Medresa „Osman-ef. Redžović“, dana 05.08.2026. godine, donosi

ODLUKU

o izboru najpovoljnijeg ponuđača u otvorenom postupku javne nabavke radova za Izradu gasnih instalacija i konverziju toplovodne kotlovnice u đaćkom domu JU Medresa „Osman-ef. Redžović“

Član 1.

Na osnovu preporuke iz Zapisnika o pregledu i ocjeni ponuda, broj: 765/2026 od 07.08.2026. godine, utvrđuje se da je najbolje ocijenjena ponuda u otvorenom postupku javne nabavke radova za Izradu gasnih instalacija i konverziju toplovodne kotlovnice u đaćkom domu JU Medresa „Osman-ef. Redžović“, ponuda broj: 01-26, ponuđača **„FAGAS“ d.o.o. Sarajevo, Rajlovčka cesta bb, 71000 Sarajevo, ID broj 420058056000**, u iznosu od **100.998,46 KM bez uračunatog PDV-a**.

Član 2.

Najpovoljniji ponuđač je izabran u skladu sa članom 64. Stav (1), tačka b, Zakona o javnim nabavkama („Službeni glasnik BiH“, broj: 39/14, 59/22 i 50/24) uz primjenu kriterija najniže cijene tehnički zadovoljavajuće ponude.

Član 3.

Izabrani ponuđač je dužan dostaviti dokaze o kvalifikaciji navedene pod tačkama: 3.1.3., 3.1.4., 3.3.1. pod b) i 3.4.10 tenderske dokumentacije, u roku od 5 (pet) dana od dana dostavljanja Odluke o izboru najpovoljnijeg ponuđača.

Član 4.

Nakon što dostavi tražene dokaze, Ugovorni organ će pozvati izabranog ponuđača radi zaključivanja Ugovora u skladu sa članom 72. i članom 98. stav 1, Zakona o javnim nabavkama („Službeni glasnik BiH“, broj: 39/14, 59/22 i 50/24).

Član 5.

Ova Odluka će se objaviti na web stranici Ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70, stav (6) Zakona o javnim nabavkama („Službeni glasnik BiH“, broj: 39/14, 59/22 i 50/24).

Član 6.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama („Službeni glasnik BiH“, broj: 39/14, 59/22 i 50/24).



Obrazloženje

Postupak javne nabavke pokrenut je na osnovu Odluke, broj: 666/2026 od 26.06.2026. godine. Nabavka je provedena primjenom otvorenog postupka uz predviđeno provođenje e-aukcije. Procijenjena vrijednost nabavke je 101.000,00 KM bez PDV-a.

Obavještenje o javnoj nabavci objavljeno je na portalu javnih nabavki pod brojem 13894-1-3-1-3-3/26, dana 02.07.2026. godine.

Proceduru javne nabavke provela je Stalna komisija za javne nabavke u 2026. godini imenovana Rješenjem direktora Medrese, broj: 71/2026 od 27.01.2026. godine.

Rok za dostavljanje ponuda je bio 02.07.2026. godine do 14:00 sati. U roku za dostavljanje ponuda blagovremeno su zaprimljene tri (3) i ponude. Nije bilo neblagovremeno zaprimljenih ponuda.

Komisija je pristupila javnom otvaranju ponuda 23.07.2026. godine u 14:30 sati. Utvrđeno je da su sve ponude ispravno zatvorene, zapečaćene i potpisane. Na javnom otvaranju ponuda nije bilo prisutnih predstavnika ponuđača. Blagovremeno su ponude su dostavili ponuđači:

R. br.	Naziv ponuđača	Adresa i sjedište ponuđača	Ukupna cijena ponude u KM bez PDV-a iz Zapisnika o otvaranju ponuda
1	FAGAS d.o.o. Sarajevo	Rajlovčka cesta bb, 71000 Sarajevo	100.998,45
2	GRIZELJ-GROUP d.o.o. Sarajevo	Nikole Šopa br. 44, Sarajevo, 71210 Ilidža	101.000,00
3	ELKOMONT d.o.o. Sarajevo	Tvornička br. 3, Sarajevo, 71210 Ilidža	99.375,30

Nakon javnog otvaranja ponuda sačinjen je Zapisnik o otvaranju ponuda i u zakonom ostavljenom roku dostavljen je svim ponuđačima, putem elektronske pošte (24.07.2026. godine u 11:47). Svi ponuđači su potvrdili prijem Zapisnika o otvaranju ponuda.

Komisija imenovana za provođenje predmetne nabavke je po okončanju otvaranja ponuda pristupila analizi i utvrđivanju ispravnosti dostavljenih ponuda, o čemu je sačinila Zapisnik o pregledu i ocjeni ponuda, broj: broj: 765/2026 od 07.08.2026. godine, koji je sastavni dio ove Odluke.

Prilikom računske kontrole dostavljenih ponuda u obracu za cijenu ponude (Aneks 2) utvrđene su računske greške u ponudi ponuđača „Fagas“ d.o.o. Sarajevo, koje su čisto matematičke prirode, i to:

- u dijelu Mašinske instalacije, tačka 2.2.2 obrasca za cijenu ponude, greška u množenju za 0,01 KM, s tim da je ukupan zbir tačke 2. Ukupno kombinovani gorionici bio pravilno upisan.

- u dijelu Mašinske instalacije, tačka 6.6 obrasca za cijenu ponude greška u množenju za 0,01 KM, pa je i ukupan zbir tačke 6. Ukupno unutrašnja gasna oprema potrebno ispraviti za +0,01 KM:

- U Zbirnoj rekapitulaciji svih radova na zadnjoj strani obrasca za cijenu ponude, Ukupna cijena sa popustom i PDV-om, uočena je greška za 0,01 KM u zbiru ponude bez PDV-a i iznosa samog PDV-a, pa je i u Zbirnoj rekapitulaciji potrebno ispraviti unesene podatke za iznose navedenih grešaka.

Dana 30.07.2026. godine, Ugovorni organ uputio je ponuđaču „Fagas“ d.o.o Sarajevo Zahtjev, broj: 747/2026 za prihvatanje ispravke računskih grešaka.

Ponuđač „Fagas“ d.o.o. Sarajevo je 30.07.2026. godine dostavio odgovor kojim prihvata ispravku računske greške.

U skladu sa članom 17. Upustva za pripremu modela tenderske dokumentacije i ponuda (Službeni glasnik BiH 90/14) i tenderskom dokumentacijom (Poglavlje 6.3 - Ispravka računskih grešaka), Komisija je zadržala jedinične cijene kao nepromjenjive, te izvršila matematičke ispravke uočenih računskih grešaka u obrascu za cijenu ponude (Aneks 2), tako da ponuda ponuđača „Fagas“ d.o.o Sarajevo, iznosi: ukupna cijena sa popustom, bez PDV-a: umjesto 100.998,45 KM, nakon ispravke iznosi 100.998,46 KM, a Ukupna cijena sa popustom i PDV-om: umjesto 118.168,18 KM, nakon ispravke iznosi 118.168,20 KM.

U tabeli je dat pregled ponuda prije i nakon izvršene računske kontrole i ispravke računskih grešaka:

R. br.	Naziv ponuđača	Ukupna cijena ponude u KM bez PDV-a iz Zapisnika o otvaranju ponuda	Ukupna cijena ponude u KM bez PDV-a nakon računske kontrole i ispravke računskih grešaka
1	FAGAS d.o.o. Sarajevo	100.998,45	100.998,46
2	GRIZELJ-GROUP d.o.o. Sarajevo	101.000,00	101.000,00
3	ELKOMONT d.o.o. Sarajevo	99.375,30	99.375,30



Nakon završetka pregleda ponuda, Komisija je utvrdila da od tri dostavljene ponude, samo ponuda ponuđača Fagas d.o.o. Sarajevo ispunjava sve uslove iz tenderske dokumentacije i da je kao takva prihvatljiva u pravnom, tehničkom i ekonomskom smislu, te da se kao takva smatra prihvatljivom za dalju proceduru javne nabavke.

Ponude ponuđača „Grizelj-Group“ d.o.o. Sarajevo i ponuđača „Elkomont“ d.o.o. Sarajevo ne ispunjavaju uslove postavljene u tenderskoj dokumentaciji, te se isključuju iz daljeg postupka javne nabavke u skladu sa članom 68. stav (4) tačka i) Zakona o javnim nabavkama („Službeni glasnik BiH“, broj: 39/14, 59/22 i 50/24).

Pregled ponuda prema prihvatljivosti:

R. br.	Naziv ponuđača	Prihvatljivost ponuda u formalno-pravnom, tehničkom i ekonomskom smislu
1	FAGAS d.o.o. Sarajevo	Prihvatljiva ponuda
2	GRIZELJ-GROUP d.o.o. Sarajevo	Neprihvatljiva i nepravilna ponuda
3	ELKOMONT d.o.o. Sarajevo	Neprihvatljiva i nepravilna ponuda

1.(n) Obrazloženje isključenja ponuđača „GRIZELJ GROUP“ d.o.o. Sarajevo

1. Ponuđač „Grizelj-Group“ d.o.o. Sarajevo nije uz ponudu dostavio potvrdu da se nalazi na evidenciji izvođača radova kod ovlaštenog distributera zemnog plina u sjedištu ugovornog organa, kako je to traženo tenderskom dokumentacijom, a što je bio jedan od kvalifikacionih uslova, **pa se njegova ponuda odbacuje kao neprihvatljiva jer nije potpuna i ne ispunjava zahtjeve i uslove iz tenderske dokumentacije u pogledu kvalifikacije.**

U tenderskoj dokumentaciji, poglavlje 3. Uslovi za kvalifikaciju i potrebni dokazi, tačka 3.4 Tehnička i profesionalna sposobnost, **Ugovorni organ je jasno tražio, a ponuđač propustio uz ponudu dostaviti potvrdu da se nalazi na evidenciji izvođača radova kod ovlaštenog distributera zemnog plina JP „Visoko Ekoenergija“ d.o.o. Visoko.**

Tenderskom dokumentacijom je zahtijevano:

3.4.6 Da bi ponuđač uopće mogao učestvovati u postupku ove javne nabavke mora biti registrovan u evidenciji izvođača radova kod ovlaštenog preduzeća za distribuciju zemnog plina u BiH u okviru radnog područja „B - Izrada, rekonstrukcija i održavanje gasnih instalacija bez ograničenja mjerača, nazivnog prečnika i pritiska iza glavnog zapornog organa, izuzimajući uređaje za regulaciju pritiska i mjerenje“.

3.4.7 **Kao dokaz ponuđač je dužan uz ponudu dostaviti potvrdu izdatu od strane ovlaštenog preduzeća za distribuciju zemnog plina u BIH da se ponuđač nalazi na evidenciji izvođača radova kod ovlaštenog distributera zemnog plina. Ovlašteni distributer zemnog plina u sjedištu ugovornog organa je JP „Visoko Ekoenergija“ d.o.o. Visoko. Dostavljeni dokaz mora biti original ili ovjerena kopija.**

2. Ponuđač „Grizelj-Group“ d.o.o. Sarajevo nije pravilno popunio **Nacrt ugovora (Aneks 8)**. Na strani 28/33 ponude, u Nacrtu ugovora, Cijena i način plaćanja, u članu 2., Ponuđač uopće nije unio tražene podatke o vrijednosti radova niti brojčano niti slovima, već je ostavio potpuno prazna polja unutar samog teksta nacrtu ugovora koja se odnose na ključne uslove izvršenja ugovora, **pa se zbog ovog propusta njegova ponuda odbacuje kao nepravilna.**

Tenderskom dokumentacijom u tački 4.5. jasno je zahtijevano:

4.5.1 Sastavni dio ove tenderske dokumentacije je Nacrt ugovora, **u koji su uneseni svi elementi iz tenderske dokumentacije.** Ponuđači su dužni uz ponudu dostaviti Nacrt ugovora **u koji su unijeli podatke iz svoje ponude**, te parafirati sve listove Nacrta ugovora (**Aneks 8**).

U skladu sa naprijed navedenim činjenicama ponuđač „Grizelj-Group“ d.o.o. Sarajevo nije postupio u skladu sa članom 57. stav (1) Zakona o javnim nabavkama ("Službeni glasnik Bosne i Hercegovine", br. 39/2014, 59/2022 i 50/2024) gdje je propisano da kod pripreme ponuda „u postupku javne nabavke kandidat/ponuđač se pridržava zahtjeva i uslova iz tenderske dokumentacije“, pa se njegova ponuda odbacuje u skladu sa članom 68. stav (4) tačka i) Zakona o javnim nabavkama ("Službeni glasnik Bosne i Hercegovine", br. 39/2014, 59/2022 i 50/2024), jer nije potpuna i ne ispunjava zahtjeve iz tenderske dokumentacije.



2.(n) Obrazloženje isključenja ponuđača „Elkomont“ d.o.o. Sarajevo

1. Ponuđač „Elkomont“ d.o.o. Sarajevo nije uz ponudu dostavio potvrdu da se nalazi na evidenciji izvođača radova kod ovlaštenog distributera zemnog plina u sjedištu ugovornog organa, kako je to traženo tenderskom dokumentacijom, a što je bio jedan od kvalifikacionih uslova, **pa se njegova ponuda odbacuje kao neprihvatljiva** jer nije potpuna i ne ispunjava zahtjeve i uslove iz tenderske dokumentacije u pogledu kvalifikacije.

Umjesto potvrde Ponuđač je na strani 33.-41. svoje ponude dostavio Ugovor o odnosima distributera i izvođača radova na gasnim instalacijama zaključen sa „Sarajevogasom“ d.o.o. Sarajevo. Kako „Sarajevogas“ d.o.o. nije ovlašten distributer zemnog plina za područje Grada Visoko u kome se nalazi sjedište Ugovornog organa, priloženi Ugovor nema nikakvu važnost.

U tenderskoj dokumentaciji, poglavlje 3. Uslovi za kvalifikaciju i potrebni dokazi, tačka 3.4 Tehnička i profesionalna sposobnost, **Ugovorni organ je jasno tražio, a ponuđač propustio uz ponudu dostaviti potvrdu da se nalazi na evidenciji izvođača radova kod ovlaštenog distributera zemnog plina JP „Visoko Ekoenergija“ d.o.o. Visoko.**

Tenderskom dokumentacijom je zahtijevano:

3.4.6 Da bi ponuđač uopće mogao učestvovati u postupku ove javne nabavke mora biti registrovan u evidenciji izvođača radova kod ovlaštenog preduzeća za distribuciju zemnog plina u BiH u okviru radnog područja „B - Izrada, rekonstrukcija i održavanje gasnih instalacija bez ograničenja mjerača, nazivnog prečnika i pritiska iza glavnog zapornog organa, izuzimajući uređaje za regulaciju pritiska i mjerenje“.

3.4.7 **Kao dokaz ponuđač je dužan uz ponudu dostaviti potvrdu izdatu od strane ovlaštenog preduzeća za distribuciju zemnog plina u BIH da se ponuđač nalazi na evidenciji izvođača radova kod ovlaštenog distributera zemnog plina. Ovlašteni distributer zemnog plina u sjedištu ugovornog organa je JP „Visoko Ekoenergija“ d.o.o. Visoko. Dostavljeni dokaz mora biti original ili ovjerena kopija.**

2. Ponuđač „Elkomont“ d.o.o. Sarajevo nije pravilno popunio **Obrazac za cijenu ponude.**

U Obrascu za cijenu ponude (Aneks 2), na strani 7. svoje ponude, u dijelu 3. Odušne i staklene površine, ponuđač nije unio jedinične cijene na pozicijama 3.1.1, 3.2.1, 3.2.2. i u dijelu 4. Dimovodni sistem, na poziciji 4.1, već je samo unio podzbirove tih faza radova, **pa se njegova ponuda odbacuje kao nepravilna jer nije potpuna i ne ispunjava zahtjeve iz tenderske dokumentacije.**

Tenderskom dokumentacijom je zahtijevano sljedeće:

4.2 Priprema ponuda

4.2.1 Ponuđači su obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponuđač ne smije mijenjati i nadopunjavati tekst tenderske dokumentacije. Ponude koje nisu u skladu sa ovom tenderskom dokumentacijom će biti odbačene kao neprihvatljive, sve u skladu sa članom 68. Zakona.

6.1. Obrazac za cijenu ponude

6.1.1 Ponuđači su dužni popuniti Obrazac za ponudu (Aneks 1) i Obrazac za cijenu ponude (Aneks 2) koji se nalaze u prilogu ove tenderske dokumentacije. U slučaju da ponuđač propusti popuniti obrasce u skladu sa postavljenim zahtjevima **za sve stavke koje su navedene**, njegova ponuda će biti odbačena.

3. Ponuđač je u svrhu dokazivanja **tehničke i profesionalne sposobnosti** iz člana 51. Zakona dostavio Spisak izvršenih ugovora i Potvrdu naručioca, suprotno zahtjevima iz tenderske dokumentacije i suprotno članu 48. Zakona o javnim nabavkama, **pa se njegova ponuda i iz ovog razloga smatra neprihvatljivom.**

Ponuđač je na strani 47. svoje ponude **dostavio neovjerenu kopiju** Potvrde naručioca o uspješnoj realizaciji ugovora. **Na Potvrdi naručioca nije navedeno mjesto izvršenja ugovora.**

Na strani 46. svoje ponude Ponuđač je na svom memorandumu dostavio dokument pod nazivom Spisak izvršenih ugovora u kome je naveo samo:

„Prilog uz izjavu“:

„Potvrda o uspješnoj realizaciji ugovora „Fiesta“ d.o.o. Istočna Ilidža“

„Realizovana vrijednost ugovora: 117.163,16 bez PDV-a“, bez ikakvih drugih navoda o realizovanim ugovorima, što i nema formu izjave koju je trebao potvrditi naručilac.

Ni u Izjavi ponuđača, ni u Potvrdi naručioca nisu sadržani svi elementi propisani članom 48. Zakona o javnim nabavkama, a koji su zahtijevani u tenderskoj dokumentaciji.



Tenderskom dokumentacijom je zahtijevano sljedeće;

3.4.2 Ponuđač je u obavezi dostaviti **potvrdu naručioca** o barem jednom uspješno izvršenom ugovoru sa dostavljenog spiska izvršenih ugovora, koji je isti ili sličan predmetu nabavke, minimalne vrijednosti 101.000,00 KM bez PDV-a. **Potvrda mora sadržavati naziv i sjedište ugovornih strana, predmet ugovora, vrijednost ugovora, godinu i mjesto izvršenja i navode o uredno izvršenom ugovoru.**

3.4.5. Dokazi se dostavljaju **u originalu ili kao ovjerene kopije.**

U skladu sa naprijed navedenim činjenicama ponuđač „Elkomont“ d.o.o. Sarajevo nije postupio u skladu sa članom 57. stav (1) Zakona o javnim nabavkama ("Službeni glasnik Bosne i Hercegovine", br. 39/2014, 59/2022 i 50/2024) gdje je propisano da kod pripreme ponuda „u postupku javne nabavke kandidat/ponuđač se pridržava zahtjeva i uslova iz tenderske dokumentacije“, pa se njegova ponuda odbacuje u skladu sa članom 68. stav (4) tačka i) Zakona o javnim nabavkama ("Službeni glasnik Bosne i Hercegovine", br. 39/2014, 59/2022 i 50/2024), jer nije potpuna i ne ispunjava zahtjeve iz tenderske dokumentacije.

U ovom postupku javne nabavke dostavljena je samo jedna prihvatljiva ponuda, ponuda ponuđača „Fagas“ d.o.o. Sarajevo. Njegova ponuda ispunjava sve uslove iz tenderske dokumentacije i kao takva je prihvatljiva u pravnom, tehničkom i ekonomskom smislu, pa je u skladu tim, Komisija predložila Ugovornom organu da za najpovoljnijeg ponuđača izabere ponuđača „Fagas“ d.o.o. Sarajevo, sa elementima cijene kao što slijedi:

R. br.	Naziv i adresa ponuđača	Ponudena cijena bez PDV-a	Ponudeni popust	Cijena ponude sa uračunatim popustom bez PDV-a	Ukupna ponudena cijena sa popustom i PDV-om
1.	FAGAS d.o.o. Sarajevo Rajlovčka cesta bb, 71000 Sarajevo	100.998,46	0,00	100.998,46	118.168,20

U skladu sa naprijed navedenim postupak javne nabavke je okončan u skladu sa članom 69. Zakona o javnim nabavkama, **bez provođenja e-aukcije** u skladu sa odredbama člana 4. stav (2) Pravilnika o uslovima i načinu korištenja e-aukcije („Službeni glasnik BiH“, broj: 80/23).

U predmetnom postupku javne nabavke ponuđač „Fagas“ d.o.o. Sarajevo, dostavio je ponudu koja ispunjava sve uvjete iz tenderske dokumentacije, pa je shodno navedenom Stalna komisija za javne nabavke u 2026. godini uputila preporuku direktoru Ugovornog organa da u skladu sa članom 64. stav (1) tačka b. (najniža cijena) i članom 70. stav (1) i (3) Zakona o javnim nabavkama ("Službeni glasnik Bosne i Hercegovine", br. 39/2014, 59/2022 i 50/2024) donese Odluku o izboru najpovoljnijeg ponuđača i prihvatanju ponude ponuđača **„FAGAS“ d.o.o. Sarajevo, Rajlovčka cesta bb, 71000 Sarajevo, ID broj 4200580560001**, u iznosu od **100.998,46 KM bez uračunatog PDV-a.**

Ugovorni organ nije našao razloge niti nepravilnosti u radu Komisije, koji bi eventualno bili osnov za neprihvatanje preporuke, pa je uz primjenu člana 64. stav (1) tačka b), (najniža cijena) u skladu sa članom 70. stav (1) i (3), odlučeno kao u dispozitivu ove odluke.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem ugovornog organa u roku od 10 (deset) dana od dana prijema ove Odluke. Žalba se izjavljuje u skladu sa članom 99. i 101. Zakona o javnim nabavkama BiH. Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka u iznosu propisanom članom 108. Zakona o javnim nabavkama, kao i kopija bankovnog izvoda računa sa kojeg je izvršeno plaćanje na osnovu kojeg se može nesumljivo utvrditi da je transakcija izvršena.

Dostavljeno:
1x svim ponuđačima
1 x Komisiji
1 x a/a
Web stranica ugovornog organa



Direktor
Dženan Rezaković
Dženan Rezaković

—Prilog: Zapisnik o pregledu i ocjeni ponuda—